

## Resolución reitoral do 22 de setembro de 2021, da Universidade de Santiago de Compostela, pola que se establecen as bases reguladoras e se convocan bolsas para a iniciación á investigación para alumnado de máster no Centro de Investigación e Tecnoloxía Matemática de Galicia - CITMAga

A Universidade de Santiago de Compostela ten entre as súas finalidades a creación, desenvolvemento, transmisión e crítica do coñecemento científico, técnico, artístico e humanístico, tal e como dispón o artigo 4 dos seus Estatutos.

O Centro de Investigación e Tecnoloxía Matemática de Galicia (CITMAga), Consorcio entre a Universidade da Coruña, Universidade de Santiago de Compostela, e Universidade de Vigo, creado en agosto de 2021 (segundo publicación no DOG do 19 de agosto de 2021 e Acordo Consello de Goberno da USC do 29 de decembro de 2020), ten por obxecto a investigación de excelencia e a transferencia de coñecemento en todas as áreas das matemáticas, a través do establecemento dunha axenda científica orientada e especializada, organizada en áreas de investigación en programas dirixidos á consecución dos retos globais establecidos nas estratexias marco de I+D+i.

Co obxecto de configurar a súa estratexia de captación de talento a todos os niveis, CITMAga lanza esta primeira convocatoria de BOLSAS EXPLORA co obxecto de fomentar a iniciación á investigación de estudantado de máster, realizando prácticas formativas no marco da Axenda Científica M4 do CITMAga, que se pode consultar neste [enlace](#) (páxinas 55-75). Estas bolsas son cofinanciadas polo Instituto de Matemáticas da USC.

Con esta finalidade, establécense as bases reguladoras e a convocatoria de bolsas obxecto desta resolución, de conformidade coa Lei 38/2003, do 17 de novembro, xeral de subvencións e co Real decreto 887/2006, do 21 de xullo, polo que se aproba o seu Regulamento.

Esta Reitoría, no uso das atribucións que ten conferidas resolve:

### BASES E CONVOCATORIA

#### PRIMEIRA. Obxecto

O obxecto das **bolsas Explora** será o de fomentar a iniciación á investigación mediante a atracción de estudantado de máster interesado na realización de prácticas formativas no marco da Axenda Científica M4 do CITMAga.

As persoas beneficiarias terán asignado un tema de investigación nunha das áreas de investigación da Axenda Científica M4, que seleccionarán dunha lista de temáticas ofertadas no momento de aceptación da bolsa. O alumnado participante no programa iniciárase na investigación na temática asignada, podendo participar nas actividades que se organicen no centro.

O programa de bolsas contará coa supervisión dunha persoa investigadora da Universidade de Santiago de Compostela.

## **SEGUNDA. Réxime xeral**

A Universidade de Santiago de Compostela convoca, en réxime de concorrencia competitiva, o número de bolsas que se establece para o Centro no Anexo I.

## **TERCEIRA. Características das bolsas**

As prácticas formativas que son obxecto destas bolsas terán unha duración dun mes e desenvolveranse nos períodos establecidos no Anexo I.

A axuda para todo o período será a establecida no Anexo I. No caso de que o período de estancia sexa menor, aboarase a parte proporcional.

## **CUARTA. Requisitos dos beneficiarios**

1. Poderán acceder á consideración de beneficiarios as persoas físicas nas que concorran as circunstancias previstas na convocatoria, e que cumpran os requisitos establecidos na Lei 38/2003, do 17 de novembro, xeral de subvencións.
2. Poderán acceder a estas bolsas os e as estudantes que cumpran requisitos de titulación establecidos no anexo I.

## **QUINTA. Incompatibilidades**

Ademais das incompatibilidades xerais establecidas na Lei xeral de subvencións e demais normativa aplicable, a percepción da bolsa será incompatible con calquera outra axuda ou subvención para a mesma finalidade.

Esta axuda será incompatible con calquera contrato laboral activo na USC ou en calquera outra entidade pública ou privada. A persoa seleccionada deberá achegar unha declaración de incompatibilidade asinada, establecendo que no momento de aceptar dita axuda cumpre o

establecido neste apartado. O modelo de dito documento será facilitado previamente ás persoas beneficiarias.

#### SEXTA. Criterios de selección e adjudicación das bolsas

A ordenación das solicitudes farase de acordo cos seguintes criterios, sobre unha puntuación máxima de 10 puntos:

- a) Os expedientes académicos de grao e de máster das persoas solicitantes, que suporán o 80% da valoración obtida.
- b) O currículo vitae presentando, no que se terán en conta as publicacións, premios e a formación relacionada co obxecto das bolsas, entre outros aspectos. Este apartado suporá o 10% da valoración obtida.
- c) A expresión de interese das persoas aspirantes formulada na carta de presentación, que suporá o 10% da valoración obtida.

#### SÉTIMA. Presentación de solicitudes

1. A presentación de solicitudes farase a través da [Sede Electrónica](#) da Universidade de Santiago de Compostela, empregando o formulario de solicitude dispoñible dirixidas á Vicerreitoría de Investigación e Innovación, ou por calquera dos medios establecidos no artigo 16 da Lei 39/2015 do 1 de outubro, do procedemento administrativo común das administracións públicas.
2. Na solicitude deberá indicarse que desexa participar na convocatoria de **bolsas para a iniciación á investigación para alumnado de máster no Centro de Investigación e Tecnoloxía Matemática de Galicia - CITMAga**. (Non é preciso achegar ningunha documentación no momento de realizar este rexistro).
3. Presentada a solicitude no rexistro electrónico da USC, e recepcionada pola Subárea de Convocatorias e RRHH de I+D, á persoa solicitante **recibirá no correo electrónico** que indicou na súa solicitude, instrucións de como debe presentar os documentos complementarios precisos para completar a súa solicitude
4. Os documentos que as persoas interesadas deberán achegar, logo da recepción do correo electrónico indicado no punto 3 son:
  - a) Copia do **expediente académico** do grao ou título equivalente no que consten as cualificacións obtidas e con expresión da nota media en base 10 obtida nos estudos oficiais que estea cursando ou cursara a persoa solicitante. No suposto de ter realizado estudos no estranxeiro nun idioma diferente ao inglés, a certificación deberá presentarse coa tradución oficial ao español ou galego. No caso de ter superadas materias de máster,

copia do expediente académico correspondente, onde as cualificacións obtidas deben figurar en base 10.

- b) Copia do **xustificante de matrícula** correspondente ao curso 2020-201 ou 2021/2022 ou documento acreditativo expedido pola universidade correspondente.
- c) **Currículo Vitae** da persoa solicitante.
- d) **Carta de motivación** coa expresión do interese na obtención da bolsa.
- e) **Declaración responsable** manifestando que a documentación achegada e a información declarada é veraz e comprometéndose a achegar a documentación orixinal no caso de que lles fose requirida en calquera momento do proceso de selección ou durante o goce da bolsa. O incumprimento do requirimento dará lugar á exclusión da solicitude durante o proceso de selección ou ao reintegro da bolsa no caso de que a persoa resultase beneficiaria. O incumprimento do requirimento dará lugar á exclusión da solicitude durante o proceso de selección ou ao reintegro da bolsa no caso de que a persoa resultase beneficiaria.

#### **OITAVA. Publicidade e prazo de presentación de solicitudes**

As bases e a convocatoria publicaranse no [Taboleiro Electrónico](#) da Universidade de Santiago de Compostela. O prazo de presentación de solicitudes comezará ao día seguinte da publicación no Taboleiro Electrónico e rematará aos 5 días naturais a partir do día seguinte ao da súa publicación.

#### **NOVENA. Instrución e tramitación do procedemento**

O órgano competente para a instrución do procedemento será á Subárea de Convocatorias e de RRHH da Área de Xestión da Investigación da Universidade de Santiago de Compostela.

Á vista das solicitudes presentadas, o órgano instrutor realizará de oficio as actuacións que estime necesarias para a determinación dos datos en virtude dos que debe formularse a proposta de resolución.

No caso de advertir que a documentación presentada é incompleta concederá un prazo de emenda de 3 días hábiles ás persoas solicitantes. De non emendar os defectos nese prazo, procederá ao arquivo da solicitude.

Unha vez emendadas as deficiencias que se aprecien nas solicitudes, a Subárea elevará a relación nominal de solicitantes xunto coa documentación á Comisión de Selección.

#### **DÉCIMA. Órganos de selección**

As Comisións de Selección serán as encargadas de avaliar as diferentes solicitudes e de emitir un informe no que se concrete o resultado da avaliación, tendo en conta os requisitos xerais establecidos e os criterios de selección e adjudicación previstos na base Sexta.

O informe será remitido á Subárea de Convocatorias e de RRHH da Área de Xestión da Investigación e recollerá a ordenación de todas as solicitudes presentadas.

Constituirase unha comisión de selección que estará formada pola Directora Científica do CITMAga, que a presidirá, o Director do Instituto de Matemáticas da USC, o profesor Manuel Ladra González (Departamento de Matemáticas) e a profesora Pilar Salgado Rodríguez (Departamento de Matemática Aplicada).

#### **UNDÉCIMA. Proposta de resolución**

A Subárea á vista do informe da Comisión de Selección, formulará a proposta de resolución que se publicará no [Taboleiro Electrónico](#) da Universidade de Santiago de Compostela e na páxina Web da Vicerreitoría de Investigación e innovación.

Por tratarse dunha convocatoria en réxime de concorrencia competitiva, a Subárea poderá acordar a publicación da relación de solicitantes que constituirán a lista de agarda para o caso de que existan renuncias das persoas beneficiarias.

Resolta a convocatoria, as persoas beneficiarias da axuda deberán presentar no prazo máximo de 3 días hábiles a partir da publicación da resolución definitiva de concesión, o documento de aceptación expresa da axuda concedida establecido no anexo III desta convocatoria. A Subárea de Convocatorias y de RRHH da Area de Xestión da Investigación comunicarlles as persoas beneficiarias como deberán achegar dito documento.

Se algunha das persoas beneficiarias renunciase expresamente, ou non aceptase a axuda no prazo e forma establecido nesta convocatoria, a comisión de valoración a proposta do órgano instrutor poderá acordar a concesión da axuda ao seguinte solicitante, seguindo a orde de puntuación, da listaxe de agarda.

#### **DUODÉCIMA. Resolución, notificación e réxime de recursos.**

A Subárea de Convocatorias e de RRHH da Área de Xestión da Investigación elevará a proposta de resolución definitiva á Reitoría da Universidade, que ditará a resolución que poña fin ao procedemento.

A falta de resolución e notificación no prazo sinalado dará lugar a que se entendan desestimadas

as correspondentes solicitudes.

A proposta de resolución contemplada na base undécima non xera dereitos a favor do beneficiario proposto mentres non se notifique a resolución de concesión.

A resolución de concesión ou denegación definitiva adoptarase no prazo máximo dun mes contado desde a finalización do prazo de presentación de solicitudes, e comunicarase de acordo co establecido no artigo 45 da Lei 39/2015 do 1 de outubro, mediante a súa publicación no Taboleiro Electrónico da Universidade de Santiago de Compostela.

De conformidade cos artigos 123 e 124 da Lei 39/2015 do 1 de outubro, contra a resolución de concesión ou denegación que pon fin á vía administrativa, cabe interpoñer recurso potestativo de reposición.

### **DÉCIMOTERCEIRA. Entrega de documentación**

As persoas beneficiarias das bolsas de acordo coa resolución definitiva, deberán entregar na Subárea de Convocatorias e de RRHH da Área de Xestión da Investigación con carácter previo ao inicio das prácticas formativas, a seguinte documentación:

- a) Copia do documento de identidade ou pasaporte.
- b) Número da Seguridade Social, que deberán solicitar no Instituto Nacional da Seguridade Social (INSS) no caso de non dispoñer del.
- c) Modelo 145 da Axencia Estatal de Administración Tributaria (AEAT) que se pode descargar no seguinte enderezo: Modelo 145.

([https://www.agenciatributaria.es/static\\_files/AEAT/Contenidos\\_Comunes/La\\_Agencia\\_Tributaria/Modelos\\_y\\_formularios/Declaraciones/Modelos\\_100\\_al\\_199/145/mod145\\_es\\_es.pdf](https://www.agenciatributaria.es/static_files/AEAT/Contenidos_Comunes/La_Agencia_Tributaria/Modelos_y_formularios/Declaraciones/Modelos_100_al_199/145/mod145_es_es.pdf) )

- d) Código Conta Cliente da entidade bancaria onde queiran percibir a axuda.

Para entregar a documentación establecida anteriormente, a Subárea de Convocatorias e de RRHH da Área de Xestión da Investigación comunicará ás persoas beneficiarias como deberán achegar dita documentación, facéndolles chegar as instrucións pertinentes a través do correo electrónico que indicaron na súa solicitude.

### **DÉCIMOCUARTA. Obrigas das persoas beneficiarias**

As persoas beneficiarias das bolsas están obrigadas a realizar as prácticas formativas para as que se concede a bolsa e que se desenvolverán a distancia, sendo necesario que o centro de acollida expida un documento acreditativo que xustifique o adecuado seguimento da práctica

formativa asociada a bolsa. O incumprimento desta obrigaón será causa de reintegro da bolsa.

O documento xustificativo será remitido polo Centro á Subárea de Convocatorias e de RRHH da Área de Xestión da Investigación, que o arquivará xunto co resto do expediente.

As persoas beneficiarias das bolsas deberán entregar **unha memoria** das actividades realizadas dun máximo de dúas páxinas para a súa conformidade, no prazo máximo de 10 días naturais dende o remate das súas prácticas. A memoria deberá estar asinada pola persoa interesada e pola persoa responsable da súa titorización, así como pola persoa supervisora da bolsa na Universidade de Santiago de Compostela.

O incumprimento desta obriga, ou a constatación por parte da Universidade da falsidade ou inexactitude dos datos que deron lugar á concesión da bolsa, serán causa de reintegro.

#### **DÉCIMOQUINTA. Disposición derradeira**

Contra a presente resolución, que esgota a vía administrativa, poderase interpoñer un recurso contencioso-administrativo ante o Xulgado do Contencioso-Administrativo de Santiago de Compostela, no prazo de dous meses contados desde o día seguinte ao da súa publicación, de conformidade co disposto na Lei 29/1998, do 13 de xullo, reguladora da xurisdición contencioso-administrativa.

Non obstante, as persoas interesadas poderán interpoñer un recurso potestativo de reposición no prazo de un mes perante o órgano que a ditou. Neste caso non se poderá interpoñer o recurso contencioso-administrativo antedito mentres non recaia resolución expresa ou presunta do recurso administrativo de reposición, ao abeiro dos artigos 123 e seguintes da Lei 39/2015, do 1 de outubro, do procedemento administrativo común das administracións públicas.

Santiago de Compostela, 22 de setembro de 2021

O reitor  
Antonio López Díaz

## ANEXO I

### CENTRO CITMAga

#### 1. Réxime xeral

Convócanse un máximo de **30 bolsas** coa finalidade descrita.

O financiamento imputarase á partida orzamentaria **8050.7G85.64100** correspondente ao exercicio 2021. A contía máxima para estas axudas ascende a **30.000 euros**. Así mesmo, estarán cofinanciadas polo Instituto de Matemáticas. Actividade financiada polo Convenio de Colaboración entre a Consellería de Cultura, Educación e a USC para o desenvolvemento de accións estratéxicas de I+D+i.

#### 2. Período de realización da bolsa

A duración será de 1 mes e realizarase o do **15 de outubro ao 15 de novembro de 2021**.

#### 3. Contía da axuda xeral

A axuda terá unha contía máxima de **1000 euros** brutos distribuídos nunha paga mensual de 1000 euros ou a parte proporcional no caso de que a estancia sexa inferior.

#### 4. Requisitos das persoas aspirantes

Estar matriculado nun máster oficial no curso 2020-2021 ou 2021-2022 das seguintes titulacións:

- Máster en Matemática Industrial
- Máster en Matemáticas
- Máster en Técnicas Estatísticas Matemáticas
- Outras titulacións con competencias relevantes para CITMAga



## Sinatura dixital / Firma digital / Digital signature

**Asinante/Firmante/Signer:** ANTONIO LOPEZ DIAZ, REITOR, UNIVERSIDAD DE SANTIAGO DE COMPOSTELA,  
22/09/2021 19:43:14.

**CSV:** 82E0-141D-4F2C-89F0